




Klub poslanika Naša stranka - Nezavisni blok

Broj: 01-50-1-15-29/22

Sarajevo, 31.5.2022. godine

PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
n/r g. Nebojša Radmanović, predsjedavajući



Na osnovu člana 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19 i 26/20) postavljam sljedeća

**POSLANIČKA PITANJA  
ZA MINISTARSTVO ODBRANE BOSNE I HERCEGOVINE**

1. Koja je procedura za davanje saglasnosti pripadnicima Oružanih snaga Bosne i Hercegovine za prisustvo na javnim događajima i obilježavanjima značajnih datuma iz prošlosti i ko određuje koje manifestacije su primjerene za učešće pripadnika Oružanih snaga Bosne i Hercegovine?
2. Ako postoje utvrđene procedure za davanje saglasnosti, da li je 3 pješadijski RS puk Oružanih snaga Bosne i Hercegovine dobio saglasnost za prisustvo manifestaciji održanoj 30.5.2022. godine ispred spomenika "Za krst časni" u Prijedoru?

**OBRAZLOŽENJE**

Često svjedočimo da pripadnici Oružanih snaga Bosne i Hercegovine učestvuju na javnim manifestacijama i obilježavanjima značajnih datuma iz prošlosti. Međutim, nije poznato koji je proces za izdavanje saglasnosti za učestvovanje na ovim događajima, ko tu saglasnost izdaje niti koji datumi i događaji su primjereni da na njima prisustvuju pripadnici Oružanih snaga Bosne i Hercegovine. Tako se nerijetko dešava da pripadnici Oružanih snaga Bosne i Hercegovine budu prisutni na manifestacijama na kojim se negiraju ratni zločini i šalju neprimjerene poruke. Jedan od primjera ovoga jeste prisustvo komande 3. pješadijskog RS puka na skupu održanom 30.5.2022. godine u Prijedoru ispred spomenika "Za krst časni" na kojem se negirala istina o 3.176 ubijenih Prijedorčana među kojima je i 102 djece. Zbog ovih nedoumica postavljam navedeno poslaničko pitanje.

**ZAKONOM O PARLAMENTARNOM NADZORU („SLUŽBENI GLASNIK BIH“ BR. 25/18) PROPISANE SU SANKCIJE ZA NEODGOVARANJE NA POSLANIČKA PITANJA (ČLAN 64. STAV (1) a) i b) ZAKONA).**

S poštovanjem,

Mirjana Marinković-Lepić,  
Poslanica u Predstavničkom domu  
Parlamentarne skupštine BiH